

ABRAHAM SACRIFIANT

- Quant à ma mere, hélas, elle est absente.
[850] Venille, mon Dieu, par ta bonté presente
La preserver & garder tellement,
Qu'elle ne soit troublée aucunement.

Icy est bandé Isaac.

- Las ie m'en vay en vne nuit profonde,
Adieu vous dy la clarté de ce monde.
[855] Mais ie suis seur que de Dieu la promesse
Me donnera trop mieux que ie ne laisse.
Ie suis tout prest, mon pere, me voila.

Satan.

Iamais, iamais enfant mieux ne parla.
Ie suis confus, & faut que ie m'enfuye.

Abraham.

- [860] Las mon amy, avant la departie,
Et que ma main ce coup inhumain faee,
Permis me soit de te baiser en face.
Isaac mon fils, le bras qui t'ocira
Encore un coup au moins t'accolera.

Isaac.

- [865] Las, grand mercy.

Abraham.

- O ciel, qui es l'ouvrage
De ce grand Dieu, & qui m'es tesmoignage
Tressuffisant de la grande lignée
Que le vray Dieu par Isaac m'a donnée :
Et toy la terre à moy cinq fois promise,
[870] Soycez tesmoins que ma main n'est point mise
Sus cest enfant par haine ou par vengeancee,
Mais pour porter entiere obeissance
A ce grand Dieu, facteur de l'univers,
Sauueur des bons & Iuge des peruers.
[875] Soycez tesmonis qu'Abraham le fidele,
Par la bonté de Dieu, a la foy telle,
Que nonobstant toute raison humaine,
Iamais de Dieu la parolle n'est vaine.
Or est-il temps, ma main, que t'csuertues,